

OPĆI USLOVI I ODREDBE NABAVKE PORSCHE HOLDING GRUPE

DIO B: POSEBNE ODREDBE ZA ISPORUKE (NABAVKA ROBE)

Dole navedene posebne odredbe će se primijeniti na odredbe navedene u Dijelu A (Generalni uvjeti nabavke – Opće odred) vezan za isporuke.

OPŠTI ZAHTEJEVI ZA PROIZVODE, USLUGE, DOBAVLJAČE I OSOBLJE

STANDARDI I GARANCIJE

- 1.1. Izvođač je odgovoran za vlastite postupke. Posebno, Izvođač je odgovoran za poštivanje svih zakonskih odredbi koje se primjenjuju na odgovarajuće Isporuke. U skladu s tim, Izvođač će osigurati da sve Isporuke budu u skladu s uvjetima propisanim lokalnim i međunarodnim zakonima za predmetnu robu i usluge, kao što su CE oznaka i sve važeće sigurnosne regulative i sigurnosne klase, kao i sa svim zahtjevima kompatibilnosti s proizvodima Naručioća.
- 1.2. Izvođač garantuje Naručioću da će Isporuke
 - 1.2.1. biti zadovoljavajuće kvalitete;
 - 1.2.2. biti u skladu sa svim relevantnim zakonskim, nacionalnim i međunarodnim standardima (uključujući, bez ograničenja, objavljene industrijske standarde za sektor industrije Izvođača i kompatibilnost s proizvodima Naručioća), zakonskim zahtjevima i propisima
 - 1.2.3. biti isporučene i proizvedene u trenutku isporuke u skladu sa specifikacijama koje je odobrio ili dostavio Naručilac (posebno u pogledu porijekla, sastava, kvaliteta, kompatibilnosti s proizvodima Naručioća, funkcionalnosti, potrošnje energije i aspekata odlaganja, opšte i specifične sigurnosti) i bilo kojim Uzorkom (ako postoji);
 - 1.2.4. poticati iz besprijekornog proizvodnog procesa i biti proizvedene i isporučene s dužnom pažnjom i marljivošću, te prema tako visokom standardu kvaliteta kakav je razumno očekivati od strane Naručioća u svim okolnostima;
 - 1.2.5. biti bez nedostataka u dizajnu, materijalu, konstrukciji i izradi;
 - 1.2.6. biti praćene svim potrebnim uputama za montažu i upotrebu koje zahtijeva kupac;
 - 1.2.7. biti prikladne za svrhu za koju se očekuje da će se koristiti, za svaku svrhu koju je predstavio Naručilac i za svaku svrhu zabilježenu u relevantnoj specifikaciji proizvoda;
 - 1.2.8. biti oslobođene svih prava zadržavanja, potraživanja, zapljena ili drugih tereta; i
 - 1.2.9. proći sveobuhvatna i rigorozna ispitivanja zdravlja i sigurnosti te biti u skladu ili premašivati sve sigurnosne standarde utvrđene za takve Isporuke i biti u skladu sa svim zakonskim ili regulatornim zahtjevima za zdravlje i sigurnost za takve Isporuke.
- 1.3. Izvođač će u potpunosti obešteti Naručioća za sve Gubitke nastale kao rezultat ili u vezi sa:
 - 1.3.1. kršenjem bilo koje garancije sadržane u odjeljku 1.2 ovog Dijela B u periodu ne kraćem od 36 mjeseci od datuma preprodaje ili ugradnje Isporuka, zavisno od toga šta je kasnije; i
 - 1.3.2. bilo kojim postupkom, propustom, prevarom ili nemarom Izvođača ili njegovih zaposlenika, agenata ili podizvođača prilikom isporuke.

2. ZAPISI I INSPEKCIJE

- 2.1. Na zahtjev Naručioća, Izvođač će bez odlaganja, a najkasnije 14 dana nakon narudžbe Naručioća, dostaviti sve relevantne informacije o serijama, podatke koji se odnose na provjere kvaliteta i druge dokaze potrebne za usklađenost s primjenjivim standardima u vezi s Isporukama koje je naručio Naručilac. Potrebni dokazi čine potpun i ispravan trag revizije svih dokumenata i zapisa koji se odnose na isporuku i proizvodnju Isporuka, uključujući, ali ne ograničavajući se na sve tehničke dokumente, izvještaje o testiranju, certifikate i dokaze o postupcima ocjene usklađenosti.
- 2.2. Naručilac ima pravo redovno provjeravati usklađenost s gore navedenim obavezama putem posebnih inspekcija i/ili testiranja proizvoda, dokumenata i procesa prije isporuke i/ili prijema Isporuka u prostorijama Izvođača ili bilo koje treće strane, prije ili tokom proizvodnje, pakovanja ili isporuke Isporuka, a Izvođač će Naručioću omogućiti sve razumne uslove potrebne za inspekciju i/ili testiranje.
- 2.3. Ako nakon inspekcije ili testiranja Naručilac nije zadovoljan da će Isporuke biti u potpunosti u skladu s relevantnom specifikacijom proizvoda, relevantnim Uzorkom (ako postoji) i/ili Ugovorom, te o tome obavijesti Izvođača u roku od sedam (7) dana nakon takve inspekcije ili testiranja, Izvođač će poduzeti sve potrebne korake kako bi osigurao usklađenost. Ako Naručilac nakon takve inspekcije razumno utvrdi da Isporuke koje su već isporučene možda nisu u skladu s relevantnom specifikacijom proizvoda, Uzorkom (ako postoji) i/ili Ugovorom, ima pravo poduzeti sve potrebne mjere, na trošak Izvođača. Nijedna inspekcija niti propust da se proizvodi odbiju neće predstavljati niti implicirati prihvatanje Isporuka od strane Naručioća.

3. UZORCI

- 3.1. Izvođač će na zahtjev Naručioća, besplatno, dostaviti Uzorke iz trenutne proizvodnje ili omogućiti testiranje od strane Naručioća ili stručnjaka kojeg imenuje Naručilac prije isporuke. Izvođač će zadržati Uzorke najmanje osamnaest (18) mjeseci.
- 3.2. Izvođač će isporučiti sve Isporuke strogo u skladu s bilo kojim Uzorkom (uključujući u pogledu kvaliteta i opisa takvih Isporuka).

4. PROMJENE ISPORUKA

- 4.1. Izvođač mora odmah, u pisanom obliku, obavijestiti Naručioća o svim promjenama proizvoda i drugim promjenama, uključujući one koje mogu nastati kao rezultat izmjena primjenjivih standarda. U mjeri u kojoj se to odnosi na promjene potrebne dokumentacije i informacija, Izvođač ih mora bez odlaganja staviti na raspolaganje Naručioću. Ova obaveza se primjenjuje mutatis mutandis na kontinuiranu isporuku rezervnih dijelova i izoliranu distribuciju u postprodaji.
- 4.2. Izvođač radova će Kljentu dostaviti sve sigurnosno relevantne informacije koje moraju biti dostupne prema REACH uredbi, bez ikakvog zahtjeva, besplatno i prije isporuke ugovornih proizvoda. Sve radnje moraju biti u skladu s lokalnim zakonodavstvom u vezi s državnim i entitetskim zakonima o hemikalijama i pravilnicima ovlaštenih agencija i institucija za hemikalije.
- 4.3. Izvođač mora također izvršiti sve potrebne registracije, obavještenja ili slične postupke na osnovu REACH Uredbe i poštovati druge obaveze koje proizlaze iz REACH Uredbe ili drugih zakonskih odredbi u vezi s opasnim supstancama. Ako Izvođač ne ispuni obaveze propisane REACH Uredbom, obešteti će i zaštititi Naručioća od svih gubitaka koji iz toga proizlaze
- 4.4. Ako Izvođač koristi podizvođače za ispunjenje, uključujući djelimično ispunjenje, svojih obaveza, mora u potpunosti prenijeti ove obaveze na podizvođača.
- 4.5. Sve ugovorne usluge i isporuke Izvođača – bez obzira na njihovu vrstu – moraju biti bez supstanci koje ometaju prijanjanje boje i ne smiju emitovati takve supstance.
- 4.6. Izvođač dodatno izjavljuje i potvrđuje da posjeduje sve zakonske dozvole potrebne za pružanje ugovornih usluga i isporuku Isporuka, posebno uključujući poslovne licence, koncesije itd., te da poštuje sve nacionalne i međunarodne odredbe radnog prava. Izvođač će osigurati da se za pružanje Isporuka i ugovornih usluga Naručioću koriste kvalifikovani, obučeni i odgovarajući kadrovi. Radno-pravni aspekti moraju biti usklađeni sa zakonodavstvom na snazi na teritoriji BIH, uključujući angažovanje stranih radnika i dozvole.

5. ODRŽAVANJE ZALIHA

- 5.1. Bez obzira na Odjeljak 3.4 Dijela A, Izvođač će osigurati da u svakom trenutku održava odgovarajuće i dovoljne nivoe zaliha proizvoda kako bi mogao u svakom trenutku ispuniti uslove Ugovora.
- 5.2. Označavanje proizvoda mora biti u skladu s Pravilnikom o označavanju proizvoda u Bosni i Hercegovini, uključujući jezik i obavezne informacije..

6. USLOVI ISPORUKE

- 6.1. Osim ako nije drugačije dogovoreno u Pismenom obliku, primjenjuju se sljedeći uslovi isporuke u skladu s Incoterms 2020: DDP. Odredište je mjesto koje je Naručilac naveo u pisanoj narudžbi.
- 6.2. Izvođač snosi sve troškove i sav rizik transporta Isporuka do primopredaje na dogovorenom mjestu isporuke („Isporuka“), ne ovisno o okolnosti.
- 6.3. Svaka isporuka mora biti praćena otpremnicom koja mora sadržavati podatke o narudžbi Naručioća (posebno broj i datum narudžbe, troškovni centar).
- 6.4. Rizik od gubitka ili oštećenja Isporuka prelazi na Naručioća tek nakon što otpremnica ili potvrda o izvršenju budu potpisane. Izvođač mora pravilno zapakovati Isporuke. Šteta nastala uslijed nepravilnog pakovanja je odgovornost dobavljača.